



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Compendium Totius Tractatus De S. Matrimonij  
Sacramento R. P. Thomæ Sanches E Soc. Iesv**

**Sánchez, Tomás**

**Coloniæ Agrippinæ, 1624**

33. Crimen.

**urn:nbn:de:hbz:466:1-41559**

## Crimen.

1 Duo sunt crimina dirimentia matrimonium subsequens. Primum est adulterium cum machinatione mortis alterius coniugis. Secundum est adulterium cum fide data contrahendo matrimonio post coniugis mortem, vel cum contractu matrimonij de presenti cum adultera, quare adulterium solum non sufficit, *lib. 7. disp. 78. n. 1.*

2 Ut adulterium cum machinatione mortis sit crimen dirimens, requiruntur quinque conditiones. Prima est, ut adsit machinatio mortis coniugis alterutrius, siue ab alterutro coniuge, siue ab adultero facta, effectu subsequente: nimirum, ut reuera sequatur illius coniugis interfectio machinata. Sufficit autem mandatum vel consilium: non tamen rati habitio eius interfectionis, etiam nomine alterius coniugis effecta. Secunda, ut machinatio sine vestiatu ineundi matrimonij inter coniugem superstitem & adulterum, vel simul mortis machinatorem. Tertia, ut adsit adulterium, quando solus alter ex contrahentibus mortem coniugis machinatus est: vel si adulterium desit, uterque illius machinationis reus sit. Quarta, ut adulterium requisitum sit utriusque contrahentium. Ultima, ut matrimonium prius fuerit verum, quamvis non consummatum fuerit, diuortiumue celebratum sit. Nec impedimentum hoc reddit machinantem inhabilem simpliciter ad quodcumque aliud matrimonium: sed



tantum respectu adulterantis, vel eius, qui simul in coniugis mortem machinatus est, ad ineundum inter se matrimonium, *libr. 7. tota disp. 78.*

3. Ut adulterium cum fide data de matrimonio post coniugis mortem, vel cum contractu matrimonij de presenti cum adultera, sit crimen dirimens matrimonium, sex requiruntur conditiones. Prima, adulterium cum seminis intra vas effusione Secunda, ut cum adultero concurrat promissio etiam simplex futuri matrimonij, aut contractus matrimonij de presenti; siue adulteriū præcedat, siue subsequatur, illa dummodo non sit remissa fides matrimonij, aut matrimonium illud de facto initū iam dissolutum, quando adulteriū superuenit. Satis autem est, fidem dari adulteræ de ineundo matrimonio cum persona, quam quidam tertius designauerit, si id fraudulenter effectum sit, ut tertius ille adulteram designet. Sufficit etiam, quamuis matrimoniū illud clandestinū sit. At debent esse fides, aut matrimonium, & adulterium eodem coniugio durante. Tertia, ut adulterium perpetratū sit, sciente utroque adultero alterius matrimoniū; nec sufficit, licet uterque adulter coniugatus sit, & no- rit proprium coniugium: & excusat ignorantia etiam non probabilis, sed crassa & supina. Sufficit verò, si fides detur, aut matrimonium incatur ante scientiam alterius coniugis, si ha- ita scientia accedat copula; at non sufficit copu-



copulam ante scientiam haberi, & post scientiam dari fidem, aut matrimonium de facto iniri. Quarta est, ut promissio matrimonij sit externa, quamvis ficta sit, fictione non apparente exterius, & quamvis promissio sit conditionalis, nisi conditio sit de præterito, aut de præsentis, & nec conditio extiterit, nec extet. Quinta, ut promissio ab altero acceptata sit, quamvis nõ repromittat. Taciturnitas autem eius, cui promissio fit, absq; alio acceptationis signo, nunquam sufficit ad hoc impedimentum incurrendum. Sexta, ut prius matrimoniũ validum fuerit, quamvis non sit consummatum, & dissolutum quoad thorum per diuorrium, *lib. 7. tota disp. 79.*

*Curialis.*

1 Curialis, Solicitator, aut Scriptor, qui, ut facilius dispensationem impetret, mutat narrationis substantiam, non manet excommunicatus per motum proprium Pij V. sed incurrit pœnas falsarij, *lib. 8. disp. 21. nu. 58.*

*Custodes.*

1 Custodes nemorum se abscondentes, ut transcentes liberè ingrediantur, & soluant pœnam, peccant mortaliter. Secus, si abscondantur, ut possint eos deprehendere semel, ut sic caueant in futurum illuc redire, *lib. 10. disputat. 12.*

*num. 52.*